



UKA 2015/106

Michael Rosing

Kalaallisut oqaatsitta qanoq tusagassiutini nukittorsarneqarsinnaanerannik qaffas-sarneqarsinnaaneranillu apeqquteqaat aallaavigalugu oqallisissiaq.

(Inatsisartunut ilaasortaq Mimi Karlsen, Inuit Ataqatigiit)

Demokraatin qujassutigaarput oqallisissiaq soqtiginartoq oqallisigisussanngoratsigu.

Maluginiarparpulli siunnersuuteqartoq marlunnik imminut akerliusunik siunertaqartoq.

Siunnersummi pineqarpoq oqaatsit piuinnarnissaat ineriaortortinneqarnissaallu. Uangilli paasinnittaaserput naapertorlugu imaaliallaannaq suliat imminut akerleriit pileriaannaapput.

Inassutigineqarpoq oqaatsit eqqortumik atorneqassasut. Kisianni oqaatsit ineriaortuarnerat ataqqinngikkaanni taava imaalialannerinnakkut eqqortoq qanganisarsiornerat isumaqaleriaannaavoq taamaasillunilu oqaatsit piuinnarnissaannik kissaateqartut kiisalu oqaatsinik ineriaortitserusuttut assertuutilissapput. Qularutissaanngilaq oqaatsit suulluunniit eqqartoraluarutsigit kinguariit tulleriit paatsooqatigiittarnerat pisassaaq. Aamma Kalaallit oqaasiuummaarilluinnaqqissaaraluartut tammarussatullu ulorianartorsiortinneqanngitsut eqqarsaatigalugit ulorinartoq pilersinnaavoq inuusuttut nammineq kalaallisut oqalukkusunnermissut oqaloqqusaanngikkunik, taava aalajangersinnaapput kalaallisut oqalunngiinnarniarlutik. Tamanna kalaallit oqaasiinut alianartumik kinguneqarsinnaavoq.

Nunatut oqaatsit pillugit iliuuserineqarsinnaasut tassaapput, tusagassiutini oqaatsit atorneqartut imaluunniit naliginaasumik kalaallisut oqalunneq pineqaraluarpalluunniit, ilisimatusarnerup pingaartinnissaa aamma oqaatsit sananeqaataannut naliginaasunut paasinnilluarnissaq.

Pinngitsoorneqarsinnaanngillat ilinniarsimasut oqaasilerisut, uangutsinnik ilinniartitsisinnaasut pigisariaqarpagut. Pineqarpoq kalaallit oqaasiiliitsoqqussaralugit oqaatsitut ilinniartitsissutigineqartarnerat imaluunniit kalaallit oqaasiit takornartat oqaasiisut ilinniartitsissutigineqartarnerat. Taamatut aaqqiigutta oqaatsitta tammarnissaat



annilaanngatigisariaqanngilaq. Ingerlaavartumik ineriertorsinnaalissapput aamma utoqqaat inuuusuttut oqaatsitsinnik atuinerat pillugu siunissami naammagittaalliertarsinnaassallutik. Taamaattuaannartussaavoq oqaatsit sorliilluunniit pigaluarutsigit.

Taamatut oqaaseqarluta oqallinnermut pissanganartumut qujavugut.